



اتهزمت انت وكل الحيوانات اللى معك يبقى لازم تهدى وتسمع كلا التعلب المكار ابو الافكار التعلب: شوف يا ملك الغابه انا من يوم ما الراعى هزكم كلكم ومقدرتوش عليه وانا بافكر ازاي نقدر نهزم الراعى وفهمت ان احنا مش هنقدر نهزم الراعى بالقوه لازم نهزمه بالكر والدهاء وعشان كده قعدت كل يوم اروح عند المزرعه من بره واتصنت على الحيوانات اللى فى المزرعه لحد ما وصلت لطريقه هتخلينا نقدر ناكل كل الحيوانات اللى فى المزرعه الاسد: شوف يا تعلب انا مبقيش يهمنى انى اكل الحيوانات اللى فى المزرعه الموضوع دلوقتى بقى تحدى بينى وبين الراعى انا اهم حاجه عندى انى انتصر على الراعى واذله الاسد: طب هتعمل ايه مع البطه التعلب : انت شكلك حلو ومسمسم وتقدر توقع اى حد فى حبك وانا هاحفظك كام كلمه حلوين تقدر تضحك بيهم على عقل البطه البطوطه الاسد: مبقاش فاضل غير الحمار هتعمل ايه معاه التعلب: ودى تيجى برضه انا قعدت اخطط وافكر لحد ما اتوصلت لعشب بيطلع فى الغابه العشب ده اى واحد ياكل منه يدمنه على طول الدب: طب وهو معقوله الحمار هيرضى ياكل عشب يخليه يدمن التعلب: ما انا حاوهمه ان العشب ده هيديله قوه ويخليه شديد يقدر يشتغل احسن ومره والثانيه بعد كده يدمن وطبعاً اول ما يدمن هيبقى زى الخاتم ف صباعى وهيعمل اى حاجه عشان العشب ده الدب: واول ما يجوا نهجم عليهم وناكلهم التعلب: لا طبعا انت همك بس فى الاكل احنا اول ما نجيبهم هيجى دور السائل اللى فى القزازه دى الاسد: وطبعاً هتشرى حيوانات المزرعه من السائل ده الاسد: كمل كمل كلام جميل جدا يا تعلب وبعدين هيحصل ايه التعلب: طبعا الراعى اول ما يلاقى الحيوانات مش موجوده فى المزرعه هيطلع على طول يدور عليهم واول ما يوصل هنا هيشوف الصدمه الكبيره هيشوف الحيوانات اللى اشتراهم باغلى تمن وتعب فى تربيتهم هيشوفهم عبيد عندك يا ملك الغابه اما بقى الصدمه اللى هتقضى عليه انه اول ما يحاول يرجعهم للمزرعه هيرفضوا انهم يروحوا معاه نتيجته للسائل السحرى اللى احنا شربناه ليهم ساعتها هينكسر الراعى وتروح قوته وبعدها الدب: طبعا نهجم عليه وناكله الاسد: لا الاول نعبه ونذله وبعدين ناكل حيواناته قدامه عشان يشوف بعينه حيواناته بتناكل قدامه وف الاخر نتسلى بيه واحنا بناكله يا سلام اما ده هيكون احسن انتقام من الراعى بص يا تعلب عايزك من دلوقتى تبتدى تنفذ خطتك العظيمه دى وخذ معاك النمر زى ما طلبت واى حاجه تحتاجها لتنفيذ الخطه انا حاو افراهاك بس المهم انك تجيبلى الراعى هنا ذليل ومكسور التعلب : تحت امرك يا مولاي ملك الغابه الفــــــــــــصل الثانى) التعلب: ايه فى ايه مالك كده خايف ليه التعلب : برضه يا روفى يا حبيبي انا معقوله حاضك عليك دا انا بحبك وبتمنالك الخير انت وكل اللى عايشين فى المزرعه شوف انت هتطلع من هنا وتمشى طوالى لحد الغابه اللى هناك دى واول ما توصل هناك هتلاقى مدينة العاب كبيره وجميله وهتلاقى كل اللى فى الغابه مستنينك وعاملينك حفله انما ايه مقولكش دول هيلعبوك لعب زى ما كنت بتتمنى مش انت كنت بتتمنى انك تلعب وتهيص التعلب: لا انا ورايا شغل هنا لازم اخلصه الاول وبعدين احصلك على هناك الخروف: بس دول دماغهم ناشفه وصعب انهم يسمعوا كلامك التعلب: ملكشى دعوه انت بالموضوع ده ده كلام كبير عليك بس انت يلا بسرعه على طول روح عند الغابه عشان هما هناك مستينك ومجهزينك حته حفله انما ايه يلا بسرعه يلا الخروف : حاضر حاضر الحمار: معقوله الكلام اللى بتقوله ده التعلب : طبعا معقوله انا معايا العشب اللى هيخلى صحتك زى الفل شايف العشب ده العشب ده نادر جدا وصعب انك تلقاه على فكره انا مبيدهوش غير للغاتلين عليا انت عارف اول ما هتاكل من العشب ده هتحس ان كل الامك راحت وانك فرحان وسعيد وطاير من الفرح وهتقدر تشتغل حتى لو سنه متواصله بدون متحس بالتعب التعلب : مقابل معقوله انا اخذ منك مقابل ربنا يسامحك على فكره انا زعلت منك ده انا جيبهولك كادو هديه يعنى عشان انا بحبك وبحب اعمل الخير بدون اى مقابل وبصراحه انت صعبت عليا خالص وانا شايف مفيش غيرك اللى شغال فى المزرعه هنا وكل الشغل بتعمله لوحك ويا ريت فى الاخر مقدرين تعبك يا مسكين الحمار: اه فعلا كلامك مظبوط انت باين عليك طيب خالص معقوله حد يدى حاجه بدون مقابل فى الزمن ده التعلب : طبعا طبعا اهل الخير كتير بس المهم بلاش كلام كتير وقوم كل العشب ده وريحلك شويه جوه عشان مفعول العشب يشتغل معاك ده انت تعبان خالص على مهلك يا حبيبي الحمار : يا سلام ده انت طيب خالص عن اذنك لما اروح عشان اخذ العشب واريح جوه البقره : ايه ده انت ايه اللى دخلك جوه المزرعه ازاي دخلت هنا التعلب : مين معقوله انا مش مصدق نفسى معقوله انا واقف قدام مولاتى جلاله الملكه بذات نفسها لا لا اكيد انا بحلم البقره: ايه ده انت تعرفنى التعلب : وهل يخفى القمر يا مولاتى جلاله الملكه ده انتى اشهر من نار على علم مين فى الدنيا دى ميعرفشى جلاله الملكه البقره : معقوله الكلام ده البقره: اخيرا لقيت يقدر علمى وقدراتى بس انا لوسبت المجموعه اللى هنا فى المزرعه هيلوصوا من غيرى دى المزرعه تخرب لو سبتهم التعلب : يا مولاتى جلاله الملكه دول ناكرين للجميل ومش مقدرينك ولا مقدرين مواهبك دول بيقولوا عليكى متكبره سيبيهم يا مولاتى عشان يعرفوا قيمتك لما يلوصوا يا حلو يا مسمسم اظهر وبان عليك الامان النمر: ايه الاخبار التعلب: اوع تنسى الكلمتين

اللى انا حفظتهوملك النمر: يا ربى ايه الجمال ده كله سبحان الخالق فيما ابدع سيبنى سيبنى يا تغلب خلىنى اروح انتحر النمر: طبعاً عشانك انتى يا قاسيه ياللى معندكيش قلب حقيقى انتى اجمل بطة فى الدنيا وشكلك عامل زى الملايكه لكن قلبك قاسى البطه : ليه بس بتقول كده النمر: انتى عارفه انا من يوم ما شفتك وانا مبنمش الليل وعلى طول صورتك مش بتفارق خيالى خالص شكلك جسمك تسريحه شعرك ولا اناقتك وكله كوم وعينكى دى كوم تانى اه من عينكى دول عينكى دول قادرين يسحروا اى حد ويوقعوه فى حبك البطه : انت كلامك حلو قوى معقوله انت شايفنى جميله بالشكل ده النمر : انا شايفك ملكة جمال الكون ده كله انتى بس اللى مش حاسه بجمالك انتى مدفونه هنا فى المزرعه دى انتى مكانك مش هنا انتى من المفروض تعيشى فى قصر كبير معززه مكرمه ويقى حواليكى الخدم والحشم دا انتى مفيش فى جمالك . النمر: يا حبيبتي الحب بيزيل كل الفوارق طالما انا وانتى بنحب بعض يبقى مفيش اى حاجه تقدر تمنع حبنا البطه: بس النمر: بس ايه شكلك مش موافقه انا خلاص هاروح انتحر ويبقى زنبى فى رقبته البطه تعالى تعالى انا ميخلصنيش انك تنتحر ده انت كلامك حلو خالص وانا مفيش حد قلى الكلام الحلو ده قبل كده بس البطه : طب استنى لما اشاور الراعى بتاعنا قبل ما اروح معاك البطه: عندك حق انا خلاص هاقوم الم حاجاتى واجى معاك يا حبيبى البطه: ماشى يا حبيبى يلا بينا لكن تقولوا ايه فى العبط ودلوقت لما نشوف ايه اخبار الحمار اكيد عشب الادمان جاب مفعوله معاه الحمار: لا هو نفع انا اول ما خدته حسيت انى انا فرحان وسعيد ومش حاسس باى الام بس بعد شويه رجعت الام ضهرى اكثر من الاول ودلوقتى حاسس انى زى المشلول هو انا نسيت اقوك التعلب : اصل العشب ده ليه مده معينه يشتغل فيها وبعد كده مفعوله بينتهى ويبقى لازم تاخذ تانى منه التعلب: من فين يا حبيبى العشب ده نادر جدا وبصراحه كمان تمنه غالى الحمار: بس انا مقدرشى اطلع من المزرعه واروح الغابه ده راعينا مكلفنى بحاجات كتير وانا لازم اعلمها الحمار: استنى بس الكلام اخذ وعطا طب انت مش ممكن تروح تدور عليه فى الغابه وتجيبهولى وانا هديك اللى تطلبه المشــــــــــــهد الثانى والاخير) الخروف: ازيكم يا اصحابى ايه عاملين اعرفكم بنفسى انا الخروف روفى الاسد: اهلا وسهلا حمد الله على السلامه انت شرفت الاسد: هاهاهاها لا احنا فعلا عاملينك حفله كبيره خالص وعندنا هنا العاب كتيره دا احنا هنلاعبك لعب بس انت اختار اللعبه اللى انت عايزها شوف احنا عندينا زحليقه تخليك تتزلج لحد ما تنكسر رقبته وعندنا مرجيحه تمرجحك لحد ما ينكسر عضمك ولا تحب ندخلك بيت الرعب هاهاهاها الاسد: اخيرا فهم المغفل هاهاهاها ودلوقتى طالما فهمت اخيرا انا هاديلك مكافاه خدوه على جوه ووضبوه لحد ما يجى بقية المغفلين هاهاهاها الاسد: ميه ميه يستاهل المغفل هو ده جزاء الغباء الاسد: اهلا حمد الله على السلامه البقره: التعلب فهمنى ازاي انتوا لا يصين والدنيا ملخبطه معاكم بس متقلقوش انا بعلمى وحسن ادارتى هرتبلكم كل امور الغابه الاسد: طب مش تستنى لما نوضبك حفله تليق بمقامك يا جلالة الملكه الاسد: هاهاهاها حاضر حاضر كلنا هنخضع ليكى بس الاول لازم نديكى التحيه اللى تليق بجلالة الملكه ادوها التحيه البقره: ايه ده ايه اللى انتوا بتعملوه ده الاسد: اما انتى مغفله بصحيح لغايه دلوقتى لسه مفهمتيش ان التعلب ضحك عليكى البقره : انت بتقول ايه التعلب ضحك عليا يعنى ايه انتوا مش عايزينى املك عليكم الاسد: هاهاهاها هو انتى عمرك شفتى بقره اليقه بتاكل عشب تملك على حيوانات مفترسه طب دى تيجى ازاي ازاي بقره غلبانه زيك تقدر تسيطر على حيوانات مفترسه زينا هاهاهاها وعملالى نفسك زكيه ومتعلمه هاهاها دا انتى طلعتى اغبى بقره فى الدنيا اللى بيحصلى دلوقتى ده زنب اخواتى الحيوانات اللى فى المزرعه اللى كنت بتكبر عليهم ياه دانا كنت باعاملهم معاملهم وحشه خالص ياه دانا كنت غيبه بشكل لكن للاسف عرفت كده متاخر عرفت بعد فوات الاوان الاسد: هاهاها فعلا بعد فوات الاوان ودلوقتى خدوا جلالة الملكه على السجن يلا خدوها الاسد: يا سلام الخطه ماشيه زى الفل الاسد: التعلب ده طلع فعلا مكار وابو الافكار قدر انه يضحك على البقره والخروف ويجيبهم لحد هنا الاسد: انا واثق من كده طالما التعلب قدر يجيب الخروف والبقره يبقى هيقدر يجيب الباقيين كلها دقايق وتلاقى حد من المغفلين داخل علينا البطه: ايه اللى انت بتقوله ده يعنى كل كلام الحب اللى انت كنت بتقولهلولى ده كان خداع فى خداع البطه: انا فعلا كنت عايشه فى وهم كبير اسمه الحب انا كنت اكبر مغفله لما سبت الراعى والمزرعه وصدقت انه ممكن نمر مفترس يحب بطة اليقه انا استاهل كل اللى يجراللى الاسد: بس انت برضه برافو عليك انا لازم ادلك مكافاه كبيره على انك عرفت تمثل على البطه وتجيبيها لحد هنا النمر: احنا كلنا فى خدمتك يا ملك الغابه الحمار: اخيرا وصلنا الغابه يا جماعه يا جماعه متعرفوش نلاقى فين عشب القوه والشباب الاسد: حمد الله على السلامه انت فعلا تستاهل انك تكون كبير الوزرا فى مملكتى يا تغلب انا كنت واثق انك هتقدر تضحك على كل الحيوانات اللى فى المزرعه وتجيبيهم لحد هنا التعلب : طبعاً يا حمار هو معقوله ملك الغابه يقول حاجه غلط